



UKA 2017/91

5/10-2017

Randi Vestergaard Evaldsen

Siunnersuut uunga: Ingerlatsivinni pigisanit aamma pappiaqqat nalillit ilaannit inuit iluanaaruteqartarnerannit aamma annaasaqartarnerannit akileraartarnermi suliassat pillugit Inatsisartut Inatsisaat (pappiaqqat nalillit iluanaarutigineqartarnerat pillugu inatsit)

(Aningaasaqarnermut Akileraartarnermullu Naalakkersuisoq)
(Siullermeerneqarnera)

Atagu oqaatigilara paatsuugassaajunnaarlugu;

Demokraatini suleqataaffigerusunngilarput, Kalaallit Nunaanni ataatsimoortumik akileraarusersuinerup annertusineqarnissaa.

Oqaatigeqqissuara qulartoqaqqunagu:

Demokraatini suleqataaffigerusunngilarput, Kalaallit Nunaanni ataatsimoortumik akileraarusersuinerup annertusineqarnissaa.

Tassa imaappoq, Naalakkersuisut akileraarusersugassanik nutaanik nassaarpata imaluunniit Naalakkersuisut akileraarutininik pioreersunik qaffaaniarpata, taava iluanaarutaasut tamarluinnarmik atorneqassaput akileraarutit allat appartinnissaannut. Iluanaarutit inuiaqatigiinnik ingerlatsinermut atorneqassanngillat.

Matumani pivarpit siunnersuut, pappiaqqanik nalilinnik niuernermit iluanaarutininik akileraarusersuisalernissamik kinguneqartussa. Iluanaarutit malunnartorsoorpasingillat, taamaattumik Naalakkersuisut eqqarsaatigisariaqaraluarpaat ilumut imminut akilersinnaanersoq inatsisiliortut tamarluinnarmik sulisinneqalernissaat.

Ajoraluartumilli malunnarpoq siunnersuutip kinguneranik iluanaarutigineqartussat immikkoortuni allani akileraarummut appaanissamut atorneqalersaanngitsut. Tamanna pissutigalugu siunnersuut ikorfersinnaanngilarput.

Taamaakkaluartorli ataaseq pillugu Naalakkersuisut nersualaarussuppagut; Siunnersuummut tusarniutigineqartumut naleqqiullugu, toqqorsivimmiittuutit akileraarusernissaannik isuma unitsiinnarneqarsimavoq - tamanna iluarisimaaqaarput, isumassarsiarmi atorsinnaanngilluinnarmat.

Taamatut oqaaseqarluta inassutigaarput siunnersuutip itigartinneqarnissaa.